

地 220.35
39
8

豐縣志

卷十三 藝文類
卷十五 古蹟類

卷十四 祠祀類
卷十六 紀事類

豐縣志卷十三

藝文類下

詩

昔人稱少陵為一代詩史豈不以盛衰得失之故
悉見于詩讀其詩可以知其世哉今輯藝文略倣
其意而流連風景有關風土者間亦載焉若夫評
論風雅推敲聲律非志所急不暇及也

豐沛懷古

宋 文天祥

秦世失其鹿豐沛發龍顏王侯與將相不出豐沛間當時
數公起四海王氣至今尚想見龍光照人寰我來千載
下弔古淚如潛白雲落荒草隱隱芒碭山黃河天下雄南

豐縣志

卷十三

藝文類

一

詩

去不復還乃知盈虛故天道如循環盧王舊封地今日設
函關

前題

明 李東陽

小縣蕭條洿水濱舊時遺跡向風塵山中白帝先降漢天
下黔黎正苦秦五載衣冠朝北面三章號令憶西巡南畿
亦是今豐沛莫作淒涼弔古人

前題

明 劉存義

遍歷中陽感慨多沉吟漫憶漢山河枌榆社古湮塵土厭
氣臺荒長薜蘿故里不聞崇廟祀雄心空寄大風歌當年
湯沐成漚夢回首斜陽滿綠波

豐邑懷古

國朝 吳 昉



西京龍去鼎湖枯大澤猶傳此一區故里漫嗟粉社香新
豐會似漢時無柳營壘廢仍千縷榆莢錢飛尙五銖自古
雄才多遠略楚猿秦鹿敢同驅

豐邑懷古四首

國朝 盧世昌

九折黃河一氣奔漢高故里至今存賤貧自不關豪傑酒
色何曾損至尊徑去斬蛇清大澤居然逐鹿定中原劉家
四百開基事好共中陽父老論

其二

聖王誰不是天鍾豪氣先能奪九重蓋代虎狼驚落馬漫
天雷電感交龍雲山自帶氤氳氣湯沐曾沾雨露濃袖得
一枝懷古筆幾回踏破紫苔封

豐縣志

卷十三

藝文類

二

詩

其三

小小豐城古帝基山川無恙水彌瀾正逢日月光華世空
憶風雲龍虎時瓦礫叢中盧縮宅蓬蒿影裡漢高祠白駒
一曲詞初罷無數寒鴉上夕暉

其四

日落平原風滿天浮雲滅沒古臺邊錦衣讜諫真奇事大
醉徵歌盡少年雙棗已無前代樹白榆常帶社時烟新豐
勝概今存否不特荒城一愴然

高祖故宅

明 王正

漢高千古一英雄休笑當年馬上功試問後來爲帝者誰
人曾出範圍中

前題

明張安道

縱酒疎狂懶治生中陽有土不歸耕
偶因世亂成功業更向翁前與仲爭

前題

明李鳳

一劍西提與楚爭風雲慘淡五年兵
歸來四海成家日猶自悲歌氣未平

高祖廟

明程敏政

古原荒樹依村斜高廟威靈亦可嗟
警蹕千年餘塑馬饒簫終夕舞神鴉
嵐山落日銷雲氣泡水寒風捲岸沙
漢楚興亡那復問一龕燈火屬僧家

前題

明金甫

豐縣志

卷十三

藝文類

三

此地名存事已非不勝感慨思依依
殘碑寂寞堪遺恨古廟荒涼自落暉
大澤忽逢靈媪哭中陽誰識赤龍飛
巡行天下秦無道百二山河屬布衣

過高帝廟

明陶望齡

路經豐沛山川古龍起中原戰鬥多
一代雄圖開赤帝千秋遺廟傍黃河
雲歸尚識真人氣風起猶傳猛士歌
魂魄來遊長此地漢宮秋色近如何

前題

明史文燿

漢帝威儀儼在茲寒蕪漠漠野烟馳
當時約法除民患不獨興王見地竒
過弔紛來披野棘咄嗟難辨起荒祠
空堂裘冕苔銷盡啼鳥吟蠶總涕洟

前題

明徐鏞

魂魄定驚鐵馬馳孤城遺廟閱今茲月明劍珮來三傑世
遠君臣晦六奇狐兔解圍階陛拜金錢空費女郎祠轟騰
車馬郊衢去弔古真堪揮涕泗

前題

國朝方文蔚

華嵐掩映帝城邊雲樹參差古殿前一自飛龍感夢寐遂
同逐鹿定山川英靈憑式兩千載湯沐薰沾四百年獨撫
離離雙棗樹蒼茫遙帶夕陽烟

厭氣臺

宋梁灝

天生王氣何能厭嬴氏空勞築此臺今日我來臺上看殘
春寂寞野花開

豐縣志

卷十三

藝文類

四

詩

前題

元曹仲篋

東南何故起高臺臺下誰傳寶劍埋四百餘年原有數始
皇今古恨無才

前題

元徐克昌

秦世當年已失鹿一時那用築高臺思量此計成何用風
雨而今半草萊

前題

元袁遵道

西出咸陽駕上東蒼生辛苦恨遭逢古來有德惟天命厭
氣臺空夕照中

前題

元楚寶臣

自古冥頑是始皇不施仁義愛矜張混魚臭已遺千古逐

鹿塵還起四方厭氣無功消異氣焚書有焰及阿房漢年
四百皆天定人意何容得抑揚

厭氣臺

盧世昌

祖龍巡狩迹全湮留得荒臺尙說秦四海已曾忘假父一
臺何用厭真人豐城日暖枌榆社伏道風生荆棘春猶有
氤氳消不盡晚來雲氣滿河濱

斬蛇溝

唐胡曾

白蛇初斷路人通漢祖龍泉血刃紅不是咸陽將瓦解素
靈那哭月明中

馬維壩

明季璠

弔古尋幽入翠嵬逢人說是馬維堆帝師異代名猶烈王
豐縣志

卷十三 藝文類

五 詩

佐當年骨已灰綠水平蕪雙鴈遠白雲空谷斷煙回至今
埋玉秦臺處尙有餘光照草萊

盧綰故宅

明鄭頤

春水靡蕪三月雨夕陽城郭幾家煙野禽不解興亡恨猶
自飛飛下碧川

盧綰故宅

國朝盧世昌

朝來策馬過中陽傳說吾家舊日王綺歲已爲天子友故
居會傍太公鄉生逢羊酒稱雙慶老借雲龍守一方不用
停鞭幾回首漢家宮闕半滄桑

朱陳村

唐白居易

徐州古豐縣有村曰朱陳去縣百餘里桑麻青氣氤稜杼

聲軋軋牛驢走紛紛女汲澗下水男採山上薪縣遠官事少山深民俗醇有財不行商有丁不入軍家家守村業頭白不出門生爲朱陳人死爲朱陳塵田中老與幼相見何欣欣一村惟兩姓世世爲婚姻親屬居有族少長遊有羣黃雞與白酒歡會不隔旬生者不遠別嫁娶先近隣死者不遠葬墳墓多遠村旣安生與死不苦形與神所以多壽考往往見玄孫我生禮義鄉少小孤且貧徒學見是非祇自取辛勤世法貴名教士人重冠婚以此自桎梏信爲天僂人十歲解讀書十五能屬文二十舉秀才三十爲諫臣下有妻子累上有君親恩承家與事國望此不肖身憶昨舊遊初迨今十五春孤舟三適楚羸馬四經秦書行有饑

豐縣志

卷十三

藝文類

六

詩

朱陳村嫁娶圖

宋蘇軾

何年顧陸丹青手畫作朱陳嫁娶圖聞道一村惟兩姓不將門戶買崔盧

我是朱陳舊使君勸農曾入杏花村而今風物那堪畫縣吏催錢夜打門

朱陳村

國朝盧世昌

勸農曾問舊郊原嘖嘖欣傳二姓村耕鑿依然忘帝力婚

姻詎肯換侯門桑麻影散牛羊下機杼聲清鳥雀喧輸與
迎春諸父老獨攜藜杖課兒孫

疊前韻

盧世昌

五風十雨沃平原春徧南村復北村兩姓爲婚同梓里一
生相守是柴門黃雞白酒年年會鼉鼓龍燈處處喧莫漫
逢人誇勝事我來三見稻生孫

杏花村

唐張籍

一去瀟湘頭已白今朝始見杏園春從來遷客應無數重
到花前有幾人

前題

唐杜牧

清明時節雨紛紛路上行人欲斷魂借問酒家何處有牧

豐縣志

卷十三

藝文類

七

詩

童遙指杏花村

前題

明莊誠

斷魂昔日尋沽處異代而今尚有碑勝地古來猶有迹行
人今去幾多時年年二月過春雨日日斜陽照酒旗好向
東風乘一便牧童歌裏泛清卮

前題

盧世昌

紛紛雨過草痕肥菊店深深半掩扉一例杏花開似昔青
帘輕颺燕雙飛

其二

何必尋春恨較遲杏花新放兩三枝酒家亦是尋常事不
及風流杜牧詩

鳧鷖亭詩

宋 關景仁

古有鳧鷖詩喜物遊太平今見鳧鷖樂爲作鳧鷖亭夜安
洲渚棲晝無羅網驚羣嬉固儔匹適意相飛鳴春風藻荇
稠夜雨波瀾清特以王澤深遂此微物生飛甍枕秦臺繚
繞寒蕪城俯目看清泚日羨鳧鷖情自惟縣令職朝夕親
編氓土瘠民半餒役頻民少甯嗟爾多蹙迫豈與鳧鷖并
我心徒爾嗟奈何存典型爾勞憫以恕爾重移之輕庶幾
皆有樂共戴君聰明民安令亦暇臨流解塵纓卒歲可歸
去白髮南山耕

和前題

宋 馬建中

古豐千歲遠漢皇實此生雉堞皆榛荆故魏徙都城縣宇
豐縣志

卷十三

藝文類

八

詩

構臺上臺基起秦嬴四達半農桑前池澄流清東偏特起
亭題曰鳧鷖名傳是關令建下瞰連高甍亭與三十載繼
踵多賢英開軒堪眺望景趣江湖并春夏芰荷茂秋冬風
月明政暇來登賞心虛厭簪纓因觀立亭意期于仁化行
博愛飛鳴游庶幾及羣氓將使爲政者視物推斯誠暴虐
將知禁典刑當就輕今我來承乏治術擇未精境土皆陂
澤彌年水害驚賦入復增重務農難勸耕積有弊源深宣
流孰爲更安得鳧鷖樂均爾黎庶情年豐衣食足大雅歌
太平

題鳧鷖亭

元 胡宗愈

君爲鳧鷖亭更作鳧鷖詩鳧鷖爲鳥雖甚微君心仁愛乃

在茲不忍壯者弋其母兒童捕其兒鳧鷖母子何嬉嬉城
頭草靜雲煙迷城下水煖菰蒲卑鳧鷖朝傍雲煙飛倦來
暮與菰蒲隨寄巢生子冬復夏巢穩子大無人知我思入
境觀君爲坐見三異於今時知君官久行亦歸亭上引滿
傷別離豈惟豐人惜君去雖我亦爲鳧鷖悲

豐西亭

元傅與礪

遙山寂寂對危亭壞礎欹沙柳自青四海久非劉社稷千
秋猶有漢精靈

游東華山

明季之翰 邑人

爲愛東山好時時結伴游野花爭嶺秀春雨助泉流樹繞
僧房寂藤緣石磴幽後峰何不到因恥過秦溝

豐縣志

卷三

藝文類

九

詩

遊華山

王初集

豐縣知縣

東華屹立削芙蓉玉女明星若可逢南顧黃河銷巨浪北
臨秦岱引諸峰雲生翠壁千村雨月上瓊宮五夜鐘遊覽
自慚無逸興幾時遠紹謝安踪

華山小築

明張弓 邑人

相土尋坦蕩縱橫待我營增卑齊高阜楚木今已清所役
忘勞勞險阻皆爲平

華山遠眺四首

盧世昌

百里平原一嶂橫鬱蔥佳氣此間生日華遠瞰雙湖影山
勢遙分太華名翠洞雲歸時帶鶴玄都人返年聞鶯年來
最有登臨興無限春風拂袖輕

其二

春風吹我踏雲根曲徑盤紆怪石蹲
決眦欲窮飛鳥外振衣惟覺此山尊
紛紛紅雨桃千樹漠漠黃河水一痕
莫過秦溝頻悵望雄圖約畧幾人存

其三

策杖晴巒散紫氛茸茸仙草匝芳芬
危巖翠滴中峰雨削壁青遮絕澗雲
避世底須誇上古凌風長喜對來薰
如何一代鍾靈地不博相如封禪文

其四

巨鎮迢迢聳碧天長安遙隔五雲邊
形分秦岱一拳石望入青齊九點煙
東麓風和初見蝶西崖春盡不聞鶡
何來

豐縣志

卷十三

藝文類

十

詩

絕頂探靈藟手拍真人契冥詮

嵐山

明王 樾

小沛連豐道悠然見此山僧行青障外
官坐翠微間近石煙雲狎依林鳥雀聞
古人云吏隱茲地偶躋攀

駝山

明王 樾

誰斲山爲窟委蛇望轉賒出花逢客塵
入塢見官衙石盡疑無徑谿迴似有槎
坐令塵鞅息翻憶召陵瓜

泡河

明郭天錫

波光瀲灩月娟娟一色遙連萬里天
擊鐵魚船聲振野使君終夜不成眠

前題

明蔡岳佐 邑人

泛泛洪流接遠沙郊原無復種桑麻堤橫久照遊寒兔樹
帶晴雲噪暮鴉林外荆榛高帝宅水邊籬落野人家中陽
往事君休問惟有漁翁艤釣槎

舊城

明馬卿

立馬荒臺俯舊豐斷堤頽堞漢時功沙痕漫漫人煙少林
靄蒼蒼王氣空勝地經營重作邑殘民懸佇一觀風最憐
高廟俱蕪沒會見崇城厝闕宮

前題

明郭天錫

城門無路踏城頭初見令人膽欲流一水平鋪無寸土幾
家孤立倚層樓誰知鯁鱗都爲宅可是桑田欲下籌大澤
赤龍飛去遠至今猶自有龍湫

豐縣志

卷十三

藝文類

十一

詩

華山新城

明馬卿

突兀孤峰峻蒼茫四野平人煙聊避水風氣亦堪城

登城樓

明金甫

一上高樓日已斜萼萼搗鼓縣休衙當時父老新豐去留
得荒涼這幾家

登鼓樓

明裴紀

眺望豐城百尺樓四邊風景豁吟眸自從漢祖龍興後王
氣當今天子收

過孝子丁蘭里

盧世昌

壯歲竊微祿徘徊孝子里終日戴蒼蒼蓼莪有餘涕貽穀
感高堂聖善懷母氏三釜不及存列鼎安足喜哀哀百年

中何怙復何恃色笑不可追刻木徒爲爾誰知孝子心結
念深夢寐不用反魂香慈容宛可擬頓令木偶人生氣勃
然裡至孝通神明陰陽本一理事亡如事存大聖有微旨
至今千餘年高風誰能企朝來每一過不覺顙有泚風木
何蕭蕭慈烏啼不止寸草何離離春暉滿庭圯終當立豐
碑長爲薄俗砥徘徊復徘徊吁嗟乎孝子

謁柳將軍廟

盧世昌

古廟結長林春陰濕廊廡時有靈風吹恍疑夜來雨如入
波濤中龍蛇走江滸蕭蕭洞庭君英靈生眉宇何當拾香
草殷勤薦清醑不見使者歸神鴉作人語

曲全宮

明杜樛

豐縣志

卷十三

藝文類

三

詩

曲全幽爽地名勝看來稀香篆傳清晝鐘聲出翠微講餘
時獨往坐久欲忘歸未得塵緣息空勞羨鶴飛

道中卽事

明李瓊 縣丞

王孫無地策堅肥渺渺漁人失釣磯浴日波光真浩蕩凌
晨嵐氣更霏微蒿萊蔽野難供稅鷗鳥無心總杜機多少
豐中待哺者蘆花大半製爲衣

東封卽事

明史可傳

鼓柁翩翩上帝京忽聞狡虜劫初盟辱臣銜命愁思結孽
將謀身怨望生自是瓊垣能抗疏誰知樞府厭譚兵書生
亦有籌邊計敢向關門說請纓

大觀樓成酌別

毛志尹

教諭進士

萬里飛蓬動客心相逢携酒再登臨萍踪世路常懷古蒿
目風塵敢論今看劍有光還起舞舉杯浮白莫停斟孤帆
忍向明朝別一鴈南征秋正深

村居雜咏

明

靜悟三生理來空去亦空粉榆荒舊社雞犬樂新豐世事
皆身外人情在眼中嗟予游子意歲暮感無窮

過豐縣飲李子璿渠廷表諸君齋次題之

環城綠水浸樓臺珠履登堂錦障開穀雨恰逢三月半桃
花深處酒人來

贈魏羽唐孫兒

時僅十歲

明

十齡童子綠眉新走馬穿楊巧絕倫看取和戎勲最早歌

豐縣志

卷十三

藝文類

十三

詩

鍾應不減前人

二

鐵駟凋弓縱所如盤迴馳射蟻封虛通家子弟多年少領
袖無人敵魏舒

移居

西郊煙柳匝紅亭納稼秋天白露零洄水環村成玉帶華
山映戶作金屏龍砂節倒仙人杖象緯分躔處士星興到
扶筇隨意往風搖北市酒帘青

二

沙田尙未考秋成時詘云何漫舉羸偶過柴桑書甲子非
貪牛斗納丁庚鷄鶡狀怪癡兒祭蟋蟀音長懶婦驚

陶然哀樂盡閒閒歲月是餘生

三

遊倦名山未卜居西林草草結吾廬經春繕補纔容榻入
夏清和稍著書抱器王孫嘶白馬凌波仙子跨紅魚榮哀
天定毋奢望但不饑寒卽有餘

豐縣李湛六夜雨索詩題之

閩爾梅

燈花炯炯戲春風微雨霏霏響夜桐猶有人來持赫蹏半
酣題在錦屏東

謁滕茂實祠

宋姚孝錫 邑人

本期蘇鄭與楊鏹不意芝蘭失後凋遺老祗今流涕淚後
生無復識風標西陲鴈度霜前塞滹水樵爭日暮橋追想

豐縣志

卷三

藝文類

十四

詩

平生英魄遠凌雲一笑豈能招

挽鄧旻

明王教

歲在龍蛇命竟傾英雄感慨恨難平青天露下秋蛩泣故
壘風高戰馬鳴九地應知心未死千年想見氣猶生柳陽
厲鬼還擒賊已見旌書出鳳城

題贈蔣烈女

國朝李薦翊 邑人

幽懷落落守吾真十九年來未字身生死等閒同草木血
痕瀝盡染松筠貞心豈爲傳青史勁節於今見古人愧殺
鉛華應不理棋棊荆櫛益傷神

輓朱烈婦

國朝張逢宸

顏綱白日暗生塵一死真堪贖百身地下相逢還共笑靦

顏苟活是何人

輓節婦王謝氏

王初集 縣令

天地正氣不孤行忠貞節烈每間生侍中熱血凝成碧文
山從容就義輕從來忠節傳青史幾見奇節出女子豐邑
賢淑鍾謝庭鉄骨冰心何卓爾絲羅締結在王門星河機
錦製天孫忽焉微雲蔽河漢連理芳樹蒙朝昏雖云于歸
諧鳳卜良人遘疾心轉軸藥灶爐煙不敢辭中夜焚香仰
天祝豈期應召赴玉樓麻衣泣血湧泉流誓甘同穴無二
志幾回引決不自由毀我黃金釧裂我明月扇銀壺玉漏
添淒涼鶴唳猿啼徹空院千絲百縷竟自經凜凜正氣勒
丹青夜臺共訂同心結化作雙劍吼雷霆直等樂羊婦之
節烈遠邁魯信姬之水清彷彿湘江之灑淚恍如掛樹之
哀鳴人爲烈婦悲我爲烈婦羨切尹茲土志表揚聊用長
歌代作傳太史採風將上聞泡河千古同清練

天啓二年十二月十七日寓姑孰逢辰男自豐至語

妖寇有感而賦

恩貢張盛治 邑人

小飲二三子當門有兒步喜深招之入驚心問其故賊徒
作何狀風雨爭馳騫所至遭焚劫按堵失其素吾邑坐彈
丸雉堞非孔固吾家如棲鳥摧殘虞旦暮逃難紛如織奔
命爭先赴人禽俱駭散百里斷煙霧倉卒緝人謀歟忽感
天祚南北大兵合天戈時雨布一戰戮鯨鯢再戰翦狐兔
三戰蕩妖氛輻重獲無數殺聲震地來原野肉交互渠魁

豐縣志

卷十三

藝文類

十五

詩

既已殲脅從誰能顧可憐愚夫婦併命已成聚母死不顧
兒兒仍哺母乳語次一及此四座淚如注嗟哉無祿民誰
使遭其蠹撫字不勞心教化非所務但知飽囊橐錢糧加
耗足民困不知恤民亂不能措坐視人命殘甘心人國誤
不佞亦有言聞寇七字賦豹虎未可嗔催科雞犬懼所以
聞兒說展轉寐成寤功則歸熊羆罪專在吾屬定乃愈知
痛生還念死趣寄語我冠者休墮沉冥路

古豐桃花行

詹榜歷陽

武陵桃源事絕奇桃花流水莫可追問津漁人今已邈扁
舟欲往將何之余遊古豐西郭外武陵佳景忽在茲桃花
縹緲三十里殷紅嫩萼何離離或如石家錦布帳或如竇

豐縣志

卷十三

藝文類

六

詩

婦迴文機或如赤城霞乍起或如楓岸葉低迷或如丹砂
煥彩蟠古鼎或如驂騮汗血浴天池得非珊瑚出海底毋
乃曉日照芙蓉宛似洛神凌波囊絳雪猶疑明妃灑淚溼
胭脂悠然共坐花陰下不覺心曠而神怡更饒麥浪相掩
映綠雲繚繞掣虹霓如遊扶桑五萬里之玉洞直窺瑤池
三千歲之仙姿沽來新豐酒痛飲倒金卮處處桑麻含宿
雨村村雞犬出東籬置身已在桃源內安問秦漢與軒羲
人生對景當娛樂嗟彼風塵役役者將胡爲

拗榆行

王愷心貢生

有榆有榆形容古盤根屈曲植豐土却嫌林莽多繁囂托
身堤畔臨水滸雨露栽培不記春古柏蒼松堪等倫形體

一園成連抱虜理皆作老龍鱗枝柯舒卷秋天好乘風怒
吼如瑤島百鳥辟易不敢棲萬里浮雲如可掃更羨老榆
性樸質特立晴郊無粉飾嘗怪羣芳太炫奇不事春華唯
秋實秋掛萬緡鼓鑄同大冶鑪錘造化工不待莊山與銅
嶺獨乘金氣與金風金風飄飄晚芳布青蚨纍纍真無數
貧者不取盜不貪搖落還飽鳳凰嗟蒼天造化何其巧秋
氣橫空露指爪眾木黃落爾始華何怪人皆謂爾拗

喜雨 戊子夏

王初集

豐處河北區民風真而樸服賈非所長竭力播百穀余尹
四載餘民幸無仰屋去年慶有秋炮羔欣聚族今夏天降
丹麥秋纔半熟禾黍滿郊原籌車勤致祝連旬乏甘霖余
心若轉軸時雨挽天工耘耔恐不速戴笠和雲鋤高下如
新沐疎柳蔭平疇細流響深谷蛙鳴窮巷中鶯囀深林麓
婦子各奔趨皇皇謀旨蓄將期大有書含哺而鼓腹
帝力頌無疆吹邠介景福

豐縣志

卷十三

藝文類

十七

詩

龍霧橋祈雨感而有述得長調百句 盧世昌

大熱爍石土欲焦雨雲深匿晴雲高望舒離畢望不見石
燕不飛屏師驕肥蠶乍見澤枯久田如龜坼鮮流膏村村
燒楮競巫事終朝擊鼓聲嘈嘈鼓聲中有野老語忽憶去
秋淚如雨徐州大陸秋霖沉電激雷殷海神怒黃河倒立
排空行轟然地裂聲如鼓平地橫流三丈泉餘命羣爭一
張櫓桑田爲海居爲河黃茹捲盡生白波江鷗出沒魚蝦

聚蓬門半穴竈與鼃千村萬村各乞食心酸脚重肩相摩
斗粟百錢鬻兒女三日不食聲呵呵所幸我生逢堯舜正
值

天家惜饑饉上官大府盡推

恩羽檄紛馳開倉賑但憐蕩析散金錢百萬何曾爲民靳
相看不用嘆嗟來粒米無煩分餘潤更聞一騎雲中臨已
饑已溺傳

綸音朝看河中沉美玉暮看河上拋黃金昇畚提鍤急疏
淪一方土必較尺尋長堤築就河流順河流怎及恩波深
奈何旱魃復肆虐重使田疇困枯涸春時望雨空殷勤夏
日臨風轉焦灼痛定思痛痛轉深忍見奇書復如昨吾儕
切誠不誣一州一邑關

豐縣志

卷十三

藝文類

十六

歌

之命何足論又恐九重勤惕若我聽其語復嗟吁此語切
宵旰綢繆甯待流民圖粵稽聖世足詫嘆九潦七旱古豈
無當今

天子實神聖吏實不德民何辜五日不雨生蠶賊十日不
雨雨無及可憐一片赤土中民命今年叵難測荒原不見
哀鴻號涸輒先聞枯魚泣終日呼天天益高吏亦何顏宰
此邑紛紛禱祀常不休救荒自昔鮮良謀載籍所載類不
一春秋繁露稱最優丙丁甲乙各有日青衣赤衣分獻酬
我謂此事亦恍惚何如昭格邀神庥况當此地實靈異會
感明王入夢寐繩壇一築應如響敢道隨車颯然至莫使

潭沈玉虎頭無勞泥洗石牛背特虔壘坵前致辭神之聽
之莫予詈急須叱咤鞭雨工猛驅丁甲騰長空日凍日澗
日雲滄一南一北雲逢逢更須力捲滄溟水倒瓶還滴聽
馬鬃縞衣復聘十二童永言嘉靈歌帡幪仁見雷車踏陰
軸漫天亂點如散菽我疆我理徧東南旡旡周原盡優渥
五風十雨無差訛頓使三農生九穀要知涓滴亦神功何
必雨珠兼雨玉神乎神乎慎勿遲龍德先天天不違我
皇今獨立櫺罪君不見銀奩中有龍君飛

四望亭雜興和二樹山人韵

盧世昌

結屋非求美聊堪謝馬蹄有機於此息是物不須齊庭睡
能言鴨窗呼解語雞墨池春漲好洗硯漫留題

豐縣志

卷十三

藝文類

九

詩

其二

得句從吾好何當付赫蹄反騷宵酌屈觀樂適過齊春暖
矜花鳥風濶愛木雞曠懷隨處是一一自新題

其三

猶憶家鄉裡搦盂復挈蹄每當風日好同醉物華齊自作
籠中鶴誰憐甕底鷄相看萬里外舊事不須題

其四

半生行役苦得兔詎忘蹄詩笑異全後名慚盧駱齊世情
甘應馬壯志尙聞鷄五十頭將老憑君達者題

夜上秦臺

國朝 李之翰 邑人

夜到秦臺上凌虛逼玉京鼓鐘連沛郡燈火指彭城月上

千巖峻星分四野平不知秋色老可得挹金莖

國朝 渠 鈞 邑人

邀帝城寺

不識何年寺相傳邀帝城漢皇留勝蹟父老艷芳名斷碣
迷丹篆香塵護彩甍曠然憑眺遠懷古有餘情

國朝 李甘霖 邑人

華山遠眺

秋盡三峯氣渺茫偶隨雲影到枌旁山根葉落桃千樹野
外羣飛雁幾行石徑苔深高廟毀草間碑斷寺林荒人家
隱約溪流外獨坐煙嵐弔夕陽

國朝 李 樟 邑人

華山遠眺

搖落西風樹影寒孤峯高坐望中寬霜嚴野淨村田潤秋
老山荒木葉乾雞犬聲喧雲裏聽牛羊羣散嶺頭看當年

詩

豐縣志

卷十三

藝文類

空有秦溝在幾處樵歌夕照殘

李甘霖

杏花村懷古 二

細雨微風踏杏花禽聲啼喚綠楊斜牧童歌入白雲去不
見當年舊酒家

李甘霖

又

村墟幾處長煙蘿四野青青草色多舊日使君曾一到手
今猶自憶東坡

李 樟

經鵝塘光

俱說清光好清光好若何盤中照苜蓿境內促絃歌徹曉
培丹桂凌秋剪綠蘿列名文廟者相映發輝多

華山四景

危巖覆翠

劉湘

南山有廣額前出如遊龍晴煙織蔓草茸茸自秋冬

削壁裊雲

劉湘

石丈立巖巖大臣冠劍狀徑窮藤亦柔敏者不能上

攢峯插漢

劉湘

中峯最窈處石貌古而醜披雲攀險磴蒼藤約臂肘

案石承霄

劉湘

石案何爲者風雨追琢好或曰歌風時赤帝飲父老

中陽夕照

明陳善

天暮中陽日落西投林鵲背閃金泥漫漫路遠城猶隔陌

上行人馬正嘶

豐縣志

卷十三

藝文類

三

詩

前題

明張以誠青谿人

煙樹蒼蒼翠靄微高城斜日弄餘輝晴光遙應暮山紫散

作明霞五色飛

前題

張以誠

天外奇峯插碧空嵯峨秀色削芙蓉紫雲繚繞重重護聞

道山中有赤龍

泡水波光

明李朴

雉堞雲連枕碧流西風吹老一天秋光涵銀漢三千丈影

控珠簾十二樓滿眼虛舟常泛泛壯懷擊楫付休休源頭

活水依然在寄語尋常莫浪遊

前題

張以誠

數頃晴波一望開
渚清沙白淨無埃
日光潋灩涵金鏡
又見驪珠夜月來

聖井春遊

史闕疑

一掬甘泉特異常
仙飄傾落玉壺漿
鳳池神澹靈源迴
龍井天垂聖水香
浸潤萬年春不老
經遊幾許興偏長
蒼生饑渴應無限
願借為霖灑八荒

前題

張以誠

春水新添數尺泉
遊人遙望轆轤懸
何年試汲為霖雨
天下蒼生待濟川

娥墓秋容

明 劉見龍

淑女芳踪何處存
亂雲堆裏伴荒村
任教玉貌隨秋淡
自

豐縣志

卷十三

藝文類

三

詩

有清光照夜昏

又

張以誠

玉女神游鎖碧封
寒煙衰草亂哀蛩
秋來山色凝青靄
猶似當年翠黛濃

秦臺夜月

劉見龍

厭氣臺空草色新
斷碑猶在識秦中
陽自有真人出
逐鹿空勞起戰塵

前題

張以誠

秦帝東遊駕玉轡
金臺百尺倚雲端
千年王氣明宵練
夜清光照廣寒

天津晚釣

劉見龍

雲漢懸河九曲橫仙槎碧落古豐城想因地澤通靈脈由
此天津得令名飛鳥歸樓驚尔夜漁翁徙倚忽三更等閒
釣罷秋江晚一篷清風覺有情

前題

張以誠

落日微風吹碧瀾絲綸閒理獨盤桓溪雲忽起騰波浪疑
有蛟龍水底盤

曲豆晨煙

劉見龍

一抹輕雲閣曙煙步虛風韻挾飛仙飄然物外元壺境疑
是人間小洞天

又

張以誠

曙色初開旭日紅青霄碧霧曉濛濛萬家煙火連雲起盡

豐縣志

卷十三

藝文類

十三

詩

入東方縹緲中

墨池記事

已卯春日於堂之東偏開闢荒穢得墨池二字於
深土中後署守素二字約略可辨予念前令惟唐
時有李守素此其遺蹟歟攷之縣誌竟不載噫滄
桑屢易古蹟之不傳者豈僅僅勺水間哉予近有
輯志之役而古蹟輒能乘時而見不可謂非筆墨
之靈也爰鑿一池以復舊觀而載其事於志中與
好古者稽焉并紀以詩

斯文傳滅沒古蹟喜摩挲想得前賢令猶與逸興多霜臺
留渴兔春水簇紅鵝日夕臨流處清風濯素波

墨池不可見得見墨池名太息百千載徒深感慨情烏驚
空在望蔓草遍生成容待歌幽後吾當結數楹
偶爾閒疏鑿驚傳古有之八分還舊蹟三尺得新池素影
涵晴靄竒文出晚颺李君如有識吟魄定依斯

經娥墓垆

國朝李敬修 邑人

墟落荒蕪古道平，凌虛抔土尚崢嶸。名姝自有長生訣，不用青蠅作弔聲。

龍霧橋

李敬修

復沛同時不復豐，人言隆準愧英雄。誰知萬歲千秋後，猶在當年雨露中。至今禱雨輒應

斬蛇陂

李敬修

雷雨交龍久發祥，妖蛇何事觸鋒鋦。酒催怒氣紅飛電，血濺平沙紫結霜。此文興亡占兩帝，後來法令兆三章。而今重訪神靈迹，草淺波平指牧羊。

粉榆亭

李敬修

豐縣志

卷十三

藝文類

三五

詩

虎鬪龍爭瞥眼收，一亭猶爲帝鄉留。樾能風動天忘暑，棠有人思蔭不秋。錢萊制更通利濟，樓系根遠藉綢繆。上林他日繁嘉植，問有三椽護得不。

官兵過 并序

國朝李光化 邑人

同治十一年自夏徂秋兩月不雨，城南惡少吳柱聚黨三四十人，不分晝夜四出掠奪，甚至放火殺人。縣官不能制，具狀上請郡兵數百，連夜至。詰旦嚴隊出列，旆鳴角，若將滅此朝食者。眾睹之，喜曰：「今而後卧安枕矣。」去盜，定數里，止不前。所至各村，則馳突譟呼，若羣犬狂噬，鄉民愕然，不知其欲何爲。有走避者，輒追執之，曰：「汝不爲盜，見何避避何。」

急也繫人於馬蜂擁入室發筐篋碎盆盎飲之食
之取之挾之懷擁而橐納之曰此盜賊也搜括盡
疾馳歸驅人先馬狂奔入縣署高唱獻俘不待伏
地敲撲而其人已九死一生矣官不察遽震怒三
木嚴求酷毒橫施良懦求死不得多誣服卽或關
節輾轉閒得省釋比脫械悲懸磬矣嗟乎一日捕
盜兵受賞官錄功戚友僕從胥役飽谿壑盜東西
跳梁揚揚鳴得意哀此無辜身亡家破惡莠而芟
其苗僵桃而代以李赫赫天日此理何從證之迨
上官以捕盜不盡詰則又張大其詞以爲支黨蔓
延非大軍壓境不克議勦撫適淮軍大營駐徐道

豐縣志

卷十三

藝文類

三

詩

府移請一統領督兵至遣人說吳賂以爵賞誓以
日月吳喜就撫率其黨緩轡入城翌日淮軍歸吳
昂然逐隊去頂翎袍靴擁衛而前跣躡乎衛霍捷
徑也史遷云竊鈎者誅竊國者侯其言激矣使及
見今之世當更何說乃悟咸豐紀元以來十餘年
殺劫糜爛幾徧天下豈非冤憤不平之氣沈埋鬱
結積久上千天和而非旦夕致乎卽事推思天下
事可勝浩嘆慘焉書此藉抒感喟登之采風亦足
備觀省焉

天無纖雲霹靂轟萬木不動號悲風虎狼怒吼魍魅嘯爲
民捕盜來官兵盜何在兵不知盜何狀兵不思但見鄉民

遇兵走相避卽以爲盜執縛之繫之馬前鞭仗驅馳入官衙氣如絲見官官果怒不疑指鹿爲馬恣箠笞肌膚墮裂血淋漓心不爲盜身不支以額叩地乞恩施呼我爲盜死不辭雖死請暫緩須臾吁嗟乎堂上民充盜首鄉中兵窮盜藪傾筐倒篋罄所有衣襦簪珥不脛走飽其酒食碎其釜東西追撲及鷄狗鈎鋤梃刃雜捆載束之鞍旁沿路賣向夕望塵遠婦孺悄窺門人不知何往物不知何存東村痛哭西村賀者邊幸無官兵過

感事 有序

吁豐之俗敝久矣士不務學農趨末利工商隨靡巧僞日滋天耶人耶果有數存其間耶每一涉想慨嘆移時

豐縣志

卷十三

藝文類

三

詩

宵深不寐枯坐增寒把酒孤吟聊用自遣

二千年後沂流風隆準河山大不同屠狗吹簫名將相都隨王氣入關中

英雄原不薄修儒甲冑文章用並儲誰料士林無陸賈只貪騎馬不談書

甘將酖毒換桑麻可惜無人勸拔茶從此三農拋九穀秋來齊種米囊花

泰西機巧過離般層出新奇妙不傳偏是豐人工竊取家
家合料造洋烟

沿街燈火列星羅上下床間聚鬼魔怪底征商添壟斷買烟人比買糧多

壘塊年來滿肚皮東坡果不合時宜千杯濁酒澆難盡更觸中宵感事詩

虎穴歎

有序

正月將盡突土匪百餘竄踞村西僧寺晝向各村索討財物夜則分出剽掠郡遣兵勦捕駐縣城數日不出匪聞兵至夜他徙越日兵徐徐來至寺無所見怒焚之就圩募食而匪等已由東南趨西北間數里與兵不相值兵食訖東南馳十餘里耀威無人之境凱唱而還

正月之日二十五平地飛來百猛虎大虎哮吼怒雷轟小虎跳跟旋風舞虎有爪牙森鋒刃虎有羽翼巖部伍適逢梵宇峙空廊虎遂踞之作穴處穴中虎聚各有長

豐縣志

卷十三

藝文類

三

歌

穴外虎遊分卒兩晝出眈眈怒向人人不多儀虎不享夜出逐逐恣所求得意不止再三往我與虎鄰心驚懦日夜惕息看虎過虎已驕極不畏人倦歸紛作犬羊卧我聞捕虎能生獻惜乎其人今不見又聞刺虎詡雙獲就此乘隙立可得若但逐虎呼大眾虎雖暫去惡益縱在此在彼等啞人以鄰爲壑策何用吁嗟乎入虎穴探虎子卽無其事有其理明明負嶠莫敢撻何必馮婦方冷齒

朱陳村賦

國朝 方文蔚 邑人

緬古豐之勝境稱著姓於朱陳結兩家之繾綣申百世之婚姻一附庸於魯邦一作賓于周京媿姓有其昌之福顯帝衍裕後之名爾乃中陽里畔粉榆社中井欄相對篝火相通門臨曖日戶洽春風太史占德星之萃聚卜人識佳氣之鬱葱於是東家產女西舍生郎秀眉如畫娟好相當旣懸弧以爲瑞亦設帨而呈祥迨夫奠雁有期旭旦始和親結縭以偕往儀九十而稱多駕七香之雲駟貼五鳳之花鈿佩歲蕤之玉蕊搖翠眊之金錢羨新歡之婉變比舊恩而彌堅若乃歲時相接情好雍雍風流郁穆體貌溫恭問諸姑及伯姊亦姻婭而弟兄無箕帚之諍語鮮耨鉏之

豐縣志

卷十三

藝文類

三五

賦

德容和氣所招雞犬互爲之哺啄祥風攸播桑麻倍覺其蕙榮樂閭左之同慶快伏臘之相將娛父老之眉壽看兒童之成行藹藹茅簷奕奕桑田扶筇曳屨越陌度阡或攜樽於花下或提盒於林間我舞爾歌載笑載言孔李有通家之美茅許共仙籍之緣旣不歆情於冠蓋又何嘆羨乎桃源昔尼父所稱爲仁里柏年所對之文鄉若方茲而可並擅異世而齊芳王謝門高何似田廬之樂秦晉世好豈如膠漆之長古者觀風問俗採自輶軒帝省其方於焉設教似茲村之醇厚實盛世之所樂逢宗工之錫瑞發仙題於瑤函穆清風而作賦傳佳蹟於琅玕

程孝婦哀詞

閩 昭知縣

偉華嶽之蟠秀兮鍾女德之匪夷少性成夫禮訓兮曾不踰出乎閨帷迨歸程而從一兮允家人之咸宜何夫子之邁逸兮動跣地而自爲進婉言以相導兮譬顛危而匡持克自立于孝悌兮抑鎖仰乎書詩惟彼蒼之不造兮忽斬關而城破如比翼之雙飛兮貫繒繳而雄墮慨寇退而巨野兮載號天而索求躬負載以來歸兮親封瘞乎坎邱夫一死以併命兮嚴孀姑之慰留撫嗣續以承先兮庶夫子之延悠伊孀姑之嬰疾兮忽淹久乎衾裯不七箸者七日兮潛隕涕而心憂引利刃而刲股兮晝電雷以激流儼明神之拱立兮屹呵護而環周無纖楚之嬰肌兮霽和顏之

豐縣志

卷十三 藝文類

三

詞

油油詭市脯而急進兮姑食已而蘇旃群通國之祝誦兮行道起而長歎閱晷周而物故兮遂哀毀其相纏痛母氏之寢疾兮歲聿邁其云暮對飲食而不甘兮脫纊絮而不御秉精虔以露禱兮用不戒乎寒沍以積羸之孝軀兮當憂患之備具杳伏枕而不起兮赴仙籍之已註傷慈姑之我背兮憶夫子之我捐雖母氏之在堂兮誠一戚而兩懼瞻流俗之儂薄兮冀觀型乎慈淑何不壽之遽逝兮若遵道之隕谷敬前徽而攸好兮爰彷彿乎斯文尙芳徽之不泯兮永詔啓夫後聞

李烈婦哀詞

國朝劉培豐 邑人
增生

茹荼莫辭苦堂上每有衣待補嚼雪莫辭寒堂上尤須勸
加餐惟松有操竹有節千秋終被風霜折卓哉吾宗女生
小嫻詩禮快選乘龍婿許字蟠根李李郎才調世無比初
采芹香泛綠泚天桃方歌宜室華玉樹驚墮臨風子敢嗟
薄命聯婚媾暗將身世權終始謂父母兮何恃君去尚有
悌弟謂舅姑兮何倚妾去尚有妯娒高堂賴爾慰晨昏夜
臺誰與捧盤匱一丸燈火小如螢三尺素練冷於水終身
之計乃決矣慷慨激烈竟如此吁嗟乎悲風淒惻慘月昏
黃雲天黯黯泉路茫茫水魂一縷雲車何方望藁砧兮日
極辭春護兮恨長和故鬼之啾啾彈血淚之浪浪蓬蒿同
歸憑夢幻玉樓有詔非荒唐不識草間有獨活敢向人前
稱未亡翳余同是申壘嗣十里驚聞頻雪涕彤管輝燁青
史光綽楔哀榮 聖朝事乃歌其志俾勿失更將時月紀
一一同生於嘉慶丁丑年同死於甲午嘉平中旬日子歸
於是年三月之吉

豐縣志

卷十三

藝文類

三

詞

擬朱陳村詩

劉培豐

我我豐縣西殘碑猶可捫藤纏蒼蘚蝕上書朱陳村村中
何所有綠蔭草木繁靈椿高過屋北堂樹金萱小園紅杏
花幾枝透籬藩書聲父課子嬉笑翁抱孫野花婦插鬢笠
蓑夫耕耘門繫欵段馬牆輦下澤輶白鷺映綠草一曲水
鱗鱗翳彼深山裏風俗何真純歎息尋父老父老爲余言

吾世居於此難復究根源一村惟兩姓兩姓爲婚姻丹青
經顧陸嫁娶圖朱陳人不矜門第崔盧安足云家家敦風
好從不識縣門幸喜今歲好薄收足雞豚農隙有閒暇村
釀日盈樽竭來邀鄰里開軒無主賓把杯面場圃桑麻話
欣欣客從何方來此外不須論嗟余聞此言大異昔所聞
憶昔祖龍日鑿破華山根豐沛建義旗征戰何紛紛爭鬪
饒習氣或染此方民此時何得此安居常相親悔不同元
九來結此中鄰歸來向人說疑是桃花源

書籍

書籍者文之一徵焉有書籍則文可攷矣邑自兵燹水潦之後蕩然無存猶載其目者欲與好古者共稽爾

手板經六卷漢蕭何著

劉虞部集十卷唐劉商著

鍾凌集五代李良弼著

忠嘉集宋宋汝為著

真宗御集註三百卷宋李淑著

孫郃文格三卷宋李淑著

雞肋集宋姚孝錫著

三朝訓鑒圖十卷宋李淑著

三朝寶訓二十卷宋李淑著

國朝會要一百五十卷宋李淑著

詩苑類格宋李淑著

閣門儀制二卷宋李淑著

邯鄲圖書志十卷宋李淑著

元豐問事錄二卷李德芻著

豐縣志

卷十三 藝文類

三 書籍

官制局紀事一卷李德芻著

友山集元袁煥著

清白堂遺稿五卷明史可傳著

枌榆社正續集明張盛治著

豐邑兩朝寶錄明張盛治纂

豐邑古今考明季春煦著

三餘漫草明張澄清著

天問閣稿明崔連雲著

去菴草明董漢儒著

觀海樓集國朝劉湘著

白駒山樵集國朝李翰著

屯田方畧國朝孫師武著

菽水集

海北集並金生著 國朝趙

